

ТОШКЕНТ ҲАҚИҚАТИ

1928 йил 11 декабрда асос солинган

МУҲИМ ВА ҲАЁТИЙ ЛОЙИҲАЛАР РЎЁБИ

вилоятимиздаги кўплаб аҳоли масканларини тоза ичимлик суви билан таъминлаш имконини бермоқда

Аҳолини хавфсиз ва тоза ичимлик суви билан таъминлаш бугун бутун дунё давлатларида энг долзарб масала сифатида барчанинг диққат марказида турибди.

Мамлакатимизда Президент Шавкат Мирзиёев томонидан амалга оширилган ва аҳоли турмуш даражаси, фаровонлигини кўтаришга қаратилган кенг қўламли ислохотлар қаторида ичимлик суви муаммосини ҳал қилишга ҳам алоҳида эътибор қаратилади.

Хусусан, юртимизнинг барча ҳудудларида бўлгани каби вилоятимизда ҳам аҳолини тоза ичимлик суви билан таъминлаш, сув таъминоти тизимига энергия тежовчи замонавий технологияларни жорий этиш орқали хизмат сифати ва қўламини кенгайтириш борасида муайян ишлар амалга оширилмоқда.

Вилоят "Сувоқова" давлат унитар корхонаси мутахассислари шаҳар ва туманларда сув таъминоти тизимини яхшилаш, жойлардаги корхона филиаллари фаолиятини мунтазам такомиллаштириб боришга интиломоқда.



Сувни бежизга оби ҳаёт дейишмайди, – дейди корхона раҳбари Нўмонжон Аминов. – У қимёвий таркиби жиҳатидан беэиён, радиацион ва эпидемиологик томондан хавфсиз, инсон саломатлиги учун фойдали бўлиши керак. Биз ўз фаолиятимизда ана шу талабларни инобатга олиб, қатор ташкилотлар билан ҳамкорликда аҳолига сифатли ичимлик суви етказиб бер

риш бўйича иш олиб бораёмиз. Вилоятда ичимлик суви манбаи сифатида очик сув ҳавзалари ва ер ости сувларидан фойдаланилади. Айни пайтда минтақадаги сув қувурлари тармоғининг умумий узунлиги 4 минг 667 километрни ташкил этади. Вилоятда уч юз олти мишдан зиёд сув иншоотлари, етти юздан ортиқ қудуқлар ва учта йирик очик сув ҳавзаси

бор. Улар суткасига 810 минг куб. метр сув тайёрлаш имконини беради. "Сувоқова" мутахассислари саёй-ҳаракати билан ўтган йили вилоят аҳолисининг 80 фоизи тоза ичимлик суви билан таъминланди.

2018 йилда тизимни янада яхшилаш мақсадида сув қувурлари тармоғининг 40 километрлик қисми капитал, 200 километри жорий таъмирдан чиқарилади.

Йил охирига қадар 24 та аҳоли пунктдан ўтайдиган умумий узунлиги 104 километрлик сув қувурлари тармоғи реконструкцияси якунланади. Шунингдек, мутахассисларимиз сув таъминоти имкониятларини кенгайтириш учун яна бир қатор сув иншоотларини ишга тушириш бўйича изланмоқдалар.

Зоҳир ТОШХЎЖАЕВ,
"Тошкент ҳақиқати"
мухбири

Бағрикенглик

Инсонпарварлик ва бағрикенглик халқимизга хос фазилат сифатида доимо қадрлаб келинган. Айниқса, ҳаётда адашганларни тўғри йўлга бошлаш, уларга одамлар ишончини қайта қозониш учун яна имконият бериш маънавий тарбиянинг жуда муҳим жиҳати ҳисобланади.

ТАЪЛИМ ВА ТАРБИЯ ОҚСАСА БЕБОШЛИК БЎЙ ЧЎЗАДИ

Зангиота туманидаги вояга етмаганлар жазони ижро этиш муассасасидаги тадбир ҳам бунга яққол намоён этди. Унда қамқоқ жазосини ўтаётган ўсмирлар билан бирга ўз яшаш жойида профилактика ҳисобига олинган, тарбияси оғир ёшлар, ота-оналар, давлат ва жамоат ташкилотлари вакиллари иштирок этди.

Жиноятчилик ва ҳуқуқбузарликка қўл урганларни тўғри йўлга бошлаш ва ижтимоий реабилитация қилиш, жамият ҳаётига қайтариш бугуннинг долзарб вазифасидир. Бу жараёнда ёшларни ўз хатти-ҳаракатлари бўйича фикр юритиш, қилмишини таҳлил қилиш, ўзига танқидий баҳо беришга ўргатиш муҳим аҳамият касб этади.

Мулоқот чоғида жазони ўтаётган ёшлар қилган нотўғри ишларидан том маънода пушаймон эканликлари, ҳар қандай жиноятга жазо муқаррарлигига амин бўлганларини очик изҳор этдилар.

Мутахассислар ўсмирлар ва ёшлар ўртасидаги ҳуқуқбузарликлар ва жиноятларнинг келиб чиқиши кўп жиҳатдан уларнинг ўқишга бормаслиги, дўст танлашда адашиши, беқорчи вақтнинг кўплиги, маънавий тарбиянинг бўшлиғи билан боғлиқ эканини таъкидлашмоқда.

Албатта, жазони ижро этиш муассасаларида олиб борилган тарбиявий ишлар бесамак кетаётгани йўқ. Ёшлар ахлоқда ижобий ўзгаришлар қузатиломоқда. Шунини эътиборга олиб, муассаса маъмурияти тегишли идораларга уларнинг бир қисмига белгиланган жазони енгилаштириш бўйича тақдимнома киритди.

Очик суд йиғилишида шу тақдимнома асосида уч нафар вояга етмаган ўсмир қамқоқ жазосидан озод этилди.

– Уғлим Иброҳимни кечириб, оиламиз бағрига қайтаришгани учун раҳмат, – дейди Нилуфар Фармонова. – Унинг жиноятга қўл уришида барчамиз бирдек айбдоримиз. Албатта, Иброҳим ҳали халқ ишончини қозонадиган йилгит бўлади.

Инсонпарварлик ва бағрикенглик намунаси бўлган бундай тадбирлар тумандаги бошқа жазони ижро этиш муассасаларида ҳам бўлиб ўтди. Улардан бирида муассаса раҳбарияти тақдимномаси асосида 38 нафар маҳбуснинг жазоси ахлоқ тузатиш билан алмаштирилди. Тумандаги аёллар жазони ижро этиш муассасасида 14 нафар маҳбус озодликка чиқарилди.

– Хотин-қизлар ўртасида жиноятларнинг олдини олиш, ҳуқуқбузарликка мойиллиги бўлганлар билан яқка тартибда ишлаш, жазони ижро этиш муассасаларидан озод этилганларни жамиятда ўрнини топишини таъминлашда давлат органлари ва фуқаролик жамияти институтлари билан ҳамкорликдаги чора-тадбирлар муҳим аҳамият касб этмоқда, – дейди вилоят ҳокими ўринбосари, хотин-қизлар кўмитаси раиси Озода Парпиева. – Албатта, қамқоқдан чиққанларнинг ҳеч қайсиси эътибордан четда қолмайди, уларнинг барига керакли ёрдам кўрсатилади.

Бундай тадбирларни бошқа жазони ижро этиш муассасаларида ҳам ўтказиш режалаштирилган.

Ўз мухбиримиз

ҲЕЧ КИМ ЖИНОЯТЧИ БЎЛИБ ТУГИЛМАЙДИ

Янгийўл шаҳридаги "Наврўс" маҳалласида яшовчи аёл яқинда "шаръий турмуш ўртоғи" Абдурахим Ортиқов билан жанжаллашиб, унинг чап кўкрак қисмига пичоқ санчди. Натижада, оғир тан жароҳати олган Абдурахим кўрсатилган шошилини тез тиббий ёрдам туфайлигина ҳаётга қайтди. Айбланувчига Ўзбекистон Республикаси Жиноят кодексининг тегишли моддасига асосан жиноий иш очилди.

Бу ҳақда вилоят "Ҳокимлик соати"да гапирилмоқда

Одам жиноятчи бўлиб дунёга келмайди. Ҳар ким ўз турмуш тарзи, олдига қўйган мақсади, дунёқараши ва онгу тафаккури билан йўл танлайди. Айни жараёнда кимдир билиб-билмай, тасодифан, яна биров қасддан жиноят кўчасига қиради. Ақли расо одам борки, бу йўлни қанчалик аянчли эканини билади, тасаввур қилади. Чунки, бу кўчанинг охири ўз эркини, озодли-

гини йўқотиш, жамиятдан узилишдир. "Жиноятчи" деган номни олиш қанчалар оғир эканини тўла ифода этиш қийин. Бу сўзни эшитсак, этимиз жимирлайди. Агар ана шу ном ҳаётимизда азиз, кўз ўнгимизда она, опа, сингил ёки суюкли ёр бўлиб гавдаланадиган аёлга нисбатан айтилса-чи?

Давоми 3-бетда

ХАЛҚИМИЗНИНГ БУЮК МУТАФАККИРЛАРИГА ЭҲТИРОМ

Айни кунларда вилоятимизда ҳам бебаҳо ижодий мероси билан халқимиз маданияти ва маънавиятини юксакларга кўтарган ғазал мулкининг султони, улуг мутафаккир Мир Алишер Навоий ҳамда шоҳ ва шоир Бобур Мирзонинг таваллуд кунлари кенг нишонланмоқда. Туман ва шаҳарларимизда ижодкорлар иштирокида турли учрашув ва кечалар ўтказилаётир.

Қутлуғ саналар

Шундай тадбирлардан бири Қибрай туманидаги "Дўрмон" маданият саройида бўлиб ўтди. Унда вилоят, туман ҳокимликлари, халқ таълими бошқармаси, Ёшлар иттифоқи вакиллари, навоийшунос, адабиётшунос олимлар, Ёзувчилар уюшмаси аъзолари иштирок этди.

"Назм ва наво" кечасида адабиётимиз фидойилари буюк бобоқалонларимиз ҳаёти ва ижоди ҳақида атроф-

лича сўз юритиб, битган ғазалларидан намуналар ўқидилар.

– Навоий ҳазратларининг ижоди мағзини чақишга интилган инсон ҳеч қачон кам бўлмайди, – дейди "Маҳалла зиёси" республика ўқув-ушмаси Баҳодир Суянов. – Бобоқалонимиз инсонни, инсон кўнглини биринчи ўринга қўйганлар. Унинг халқ манфаати йўлида илгари сурган ғоялари



бугунги кунда мамлакатимиз тараққиётининг устувор йўналишларига ҳамоҳангдир.

– Тарихда фақат маънавий бутунлиқни тараннум этган асарларгина яшаб қолади ва ўз муаллифларини авлодлар қалбига муҳрлайди. Навоий ва Бобур ижод намуналарини биз ҳақли равишда мана шундай ўлмас асарлар қаторига киритамиз, – дейди филоло-

гия фанлари номзоди, доцент Адиба Давлатова. – Навоий ҳазратлари бутун ижоди давомида ҳақ сўзни айтишга ҳаракат қилди ва бошқаларни ҳам шунга чорлади. Бу бугунги кун учун ҳам муҳим саналиб, ундаги маърифатпарварлик, қомилликни касб этиш туйғулари ёшлар тарбиясида алоҳида ўрин тутмоқда.

Давоми 4-бетда

Вилоят хотин-қизлар кўмитасида

Нурафшон шаҳрида вилоят хотин-қизлар кўмитасининг навбатдаги кенгайтирилган йиғилиши бўлиб ўтди. Унда туман ва шаҳар ҳокимлари ўринбосарлари, хотин-қизлар кўмиталари раислари ва мутахассислари, ҳамкор давлат ва жамоат ташкилотлари мутасаддилари, фаол ва ишбилармон аёллар иштирок этишди.

ОИЛАГА ЭЪТИБОР – ЎЗЛИГИМИЗГА ЭЪТИБОРДИР

Очик ва самимий мулоқот тарзида ўтган йиғилиши вилоят ҳокими ўринбосари, хотин-қизлар кўмитаси раиси Озода Парпиева бошқарди.

Мулоқотда Ўзбекистон Республикаси Президентининг 2018 йил 2 февралдаги "Хотин-қизларни қўллаб-қувватлаш ва оила институтини мустаҳкамлаш соҳасидаги фаолиятни тубдан такомиллаштириш чора-тадбирлари тўғрисида"ги Фармони ҳамда давлатимиз раҳбари раислигида шу йил 7 февраль кунини хотин-қизларни ҳар томонлама қўллаб-қувватлаш ва оила институтини мустаҳкамлаш масалаларига бағишлаб ўтказилган йиғилишда белгилаб берилган қўламли вазифалар ижросига эътибор қаратилди.

Қайд этилганидек, мамлакатимизда хотин-қизларнинг ҳуқуқ ва манфаатларини таъминлаш, иқтисодий, ижтимоий ва сиёсий фаоллигини ошириш давлатимиз сиёсатининг устувор йўналишига айланган. Бу борада вилоятда ҳам ўтган вақт мобайнида муайян ишлар амалга оширилди. Бирок, айни пайтда ўз ечимини кутиб ётган кўплаб масала ва муаммолар ҳам борки, булар шу пайтгача хотин-қизлар манфаатларини рўёбга чиқариш бўйича самарали механизм яратилмагани, жойларда ижтимоий вазияти оғир оилалар, аёллар ва ёш қизларга чинакам ёрдам бериш бўйича самарали фаолият олиб борилмаётганини кўрсатади.

– Давлатимиз раҳбарининг

"Хотин-қизларга эътибор ҳамма вақт барча саёй-ҳаракатларимиз марказида бўлиши, ҳаммамизнинг вазифамизга айланиши керак. Оилага эътибор аслида бу ўзлигимизга эътибордир", деган сўзлари аввало, биз, кўмита етакчилари зиммасига жуда катта масъулият ва жавобгарлик юклайди, – деди О. Парпиева. – Шундан келиб чиқиб, оғир ижтимоий вазиятга тушиб қолган аёлларга қўмак бериш, эрта никоҳлар, ажрашишлар ва аёллар жиноятчилигининг олдини олиш борасидаги ишларимизни танқидий қайта кўриб чиқишимиз ва зарур ҳулосалар чиқаришимиз шарт. Президентимизнинг юқорида қайд этилган Фармонида шу каби муаммоларни ҳал этиш, хотин-қизларни ҳар томонлама қўллаб-қувватлаш бўйича қатор чора-тадбирлар белгиланди. Республика, вилоят, шаҳар ва туманлар хотин-қизлар кўмиталари тузилмаси тубдан такомиллаштирилди. Булар, албатта, фаолиятимизда катта имкониятлар яратди. Уларни ҳаётга татбиқ этиш, ишмиизда самара ва натижа бўлиши, аввало, ўзимизга боғлиқ.

Йиғилишда ҳудудий кўмиталар вакиллари ва ҳамкор ташкилотлар мутасаддиларининг кун тартибидаги масала юзасидан фикр ва таклифлари тингланиб, тегишли қарорлар қабул қилинди.

Ўз мухбиримиз
Р. МИРЗАКУЛОВ
олган суратлар



Ўзбекистонда 2018 йилда:

- 1 июлдан мамлакатимизда электрон кириш визаларини бериш тизими ишга туширилди.
- Ўтган йили республикада кўмирга бўлган талаб **4,8 МИЛЛИОН** тоннани ташкил этиб, бу эҳтиёж тўлиқ қопланган. 2021 йилга келиб Ўзбекистонда кўмир қазиб олиш ҳажми **11 МИЛЛИОН** тоннани ташкил қилади.
- Геологлар ҳулосасига кўра, Бойсун ва Шарғун конларида жами **60 МИЛЛИОН** тоннадан зиёд тошкўмир захираси бор.
- Ўтган йили юртимиз деҳқон, фермер ва томорқачилари томонидан жами **21,4 МИЛЛИОН** тонна мева-сабзавот маҳсулотлари етиштирилди.
- Республика бўйича **13 МИНГ** гектар интенсив боғлар, **7 МИНГ** гектар тоқзорлар барпо этилиши баробарида, **15,2 МИНГ** гектар яроқсиз боғлар ҳамда **9,1 МИНГ** гектар яроқсиз тоқзорлар реконструкция қилинди.

